

Pinggerð 17. Sambandsþings Íþróttasambands fatlaðra
haldið á Radisson Blu Hótelí Sögu
25. apríl 2015

1. Þingsetning

- Ólafur Magnússon, framkvæmdastjóri fjármála- og afrekssviðs ÍF bauð þinggesti velkomna.
- Sveinn Áki Lúðviksson formaður ÍF skrifaði undir nýja samninga við þrjá af samstarfsaðilum Íþróttasambands fatlaðra en samið var á ný við Radisson Blu Hótel Sögu, Rúmfatalagerinn og Icelandair.
- Íva Marín Adrichem tók lagið fyrir þinggesti og lék á píanó við setninguna þingsins.
- Formaður ÍF, Sveinn Áki Lúðviksson setti þingið og í kjölfar þess flutti hann ávarp. Að ávarpi loknu voru veittar heiðursviðurkenningar:
 - Ólafur Þór Jónsson: heiðursfélagi ÍF.
 - Margrét Kristjánsdóttir, gullmerki ÍF.
 - Lárus Rafn Blöndal forseti ÍSÍ, gullmerki ÍF.
 - Líney Rut Halldórsdóttir framkvæmdastjóri ÍSÍ, gullmerki ÍF.
 - Ludvig Guðmundsson, læknir, gullmerki ÍF.
 - Ólafur Þórarinsson sundþjálfari Firði, gullmerki ÍF.
 - Guðrún Árnadóttir, formaður Snerpu, gullmerki ÍF.
- Hr. Ólafur Ragnar Grímsson forseti Íslands flutti ræðu.
- Frú Eygló Harðardóttir, félags- og húsnæðismálaráðherra flutti ræðu.
- Hr. Lárus Rafn Blöndal, forseti ÍSÍ, flutti ræðu
- Ólafur Magnússon þakkaði Hr. Ólafi Ragnari Grímssyni, Eygló Harðardóttur og Lárusi Blöndal fyrir sína framsögu og óskaði merkjahöfum og heiðursfélaga til hamingju.

2. Kosning þingforseta og þingritara

- Borin var upp tillaga stjórnar um Hafstein Pálsson sem þingforseta og var hún samþykkt samhljóða.
- Borin var upp tillaga um þingritara, Jón Björn Ólafsson og Kristínu Guðmundsdóttur, samþykkt samhljóða.

3. Kosning þriggja manna kjörbréfaneftndar

- Tillaga var gerð um að kjörbréfaneftnd yrði skipuðu, Anna María Þórðardóttir, (AMÞ) HSÞ, Þorbjörg Vilhjálmsdóttir, (ÞV) Suðra, Þórður Ólafsson, (ÞÓ) ÍFR. Samþykkt samhljóða. Óskað var eftir því að nefndin tæki strax til starfa.

4. Kosning nefnda

- Undanfarin þing hafa ekki verið starfandi nefndir heldur hefur þingið starfað í einni nefnd. Samþykkt var samhljóða að þingið í heild starfaði í einni málstofu.
- Nefndarkjör fíll niður.

5. Lögð fram skýrsla stjórnar (bingskjal 1.0.)

- Ólafur Magnússon (ÓM), Jón Björn Ólafsson (JBÓ) og Anna K. Vilhjálmsdóttir (AKV), stafsmenn ÍF fóru í stórum dráttum yfir skýrslu stjórnar ÍF sem hafði áður verið send sambandsaðilum.
- Hafsteinn Pálsson (HP) þakkaði fyrir flutning skýrslu og sagði að umræður um skýrslu stjórnar yrðu teknar með umræðum um reikninga.

6. Lagðir fram endurskoðaðir reikningar (þingskjal 2.0.)

Jóhann Arnarsson (JA) gjaldkeri ÍF fór í stórum dráttum yfir reikninga sambandsins.

HP þingforseti gaf orðið laust um skýrslu stjórnar og reikninga.

Þórður Ólafsson, (ÞÓ), framkvæmdastjóri ÍFR lagði fram spurningu varðandi skýrsluna. Spurði ÞÓ hvort til væru einhverjar reglur eða umgjörð í kringum styrktaraðila og ferðir þeirra eða þátttöku í Olympíumótum. Spurði ÞÓ einnig hvort styrktaraðilar hefðu á meðan keppni stendur aðgengi að keppendum og Olympíuþorpi og hvort sérstök dagskrá væri fyrir þá á meðan dvöl þeirra stæði ytra.

Þá spurði ÞÓ einnig í sbv. reikninga ÍF. Bað hann um skýringu á 10% af rekstrargjöldum ÍF er tengjast útbreiðslustarfsemi. Lýsti hann einnig óánægju með þátttökugjöld á móturnum ÍF og lagði til að þau yrðu lögð niður.

Þingforseti kannaði hvort fleiri spurningar væru en svo var ekki. ÓM svaraði fyrirspurnum ÞÓ.

ÓM, Varðandi Olympíumót fatlaðra þá er ÍF ekki að bjóða styrktaraðilum út á mótin, en fyrirtækjum er boðin aðstoð frá ÍF til að heimsækja keppendur í Olympíuþorpið. Einig aðstoð við miðakaup.

Þegar samstarfsaðilar hafa komið með út, hefur það frekar orðið til þess að styrkja samstarf ÍF og viðkomandi fyrirtækis enn frekar, hvort sem það er Special Olympics eða Olympíumót fatlaðra.

Sama gildi um foreldra, ÍF hafi aðstoðað við að útvega miða og greina frá hvaða hótel eru í boði. Foreldrar fái sömu þjónustu og fyrirtæki sem eru að koma út sem gestir og upplifa Olympíumótið.

ÓM, Bentí á að inni á minnislykli sem þingmönnum var afhentur væri sundurliðun varðandi liðinn, útbreiðslustarfsemi. Á þessum lið sem nemur um 9 milljónum, eru laun verktaka og tengd gjöld en einnig væri stór hluti ferðakostnaður við að halda námskeið og þróunarstarf. Þá sagði hann umræðu um þátttökugjöld hafa verið tekna upp áður, kostnaður væri fyrir ÍF að halda móti. Þátttökugjöld myndu dekka kostnað við viðkomandi móti, t.d. veitingar fyrir starfsmenn og fleira. Með tilkomu þátttökugjalda hafi skráðir iðkendur mætt betur á móti en áður voru fleiri skráðir en mættu svo ekki til leiks, þátttökugjöld væru ákveðið aðhald fyrir félögin þegar þau skrá iðkendur sína á móti ÍF.

HP gaf orðið laust.

Lokaumræður um skýrslu stjórnar og reikninga.

- Að loknum störfum Kjörbréfanefndar gerði Anna María Þórðardóttir talsmaður nefndarinnar grein fyrir störfum hennar.

Kjörbréf frá 11 félögum lágu fyrir.

Þingfulltrúar mættir:

HSK – áttu rétt á 7 fulltrúum - 5 mættu

HSV – áttu rétt á 3 fulltrúum - enginn mætti

HSP – áttu rétt á 5 fulltrúum - 2 mættu

ÍA – áttu rétt á 4 fulltrúum - 4 mættu

ÍBA – áttu rétt á 9 fulltrúum – 9 mættu

ÍBH – áttu rétt á 6 fulltrúum – 2 mættu

ÍBR – áttu rétt á 14 fulltrúum – 9 mættir

ÍBV – áttu rétt á 3 fulltrúum - 3 mættu

UMSK – áttu rétt á 4 fulltrúum – enginn mætti

ÍRB – áttu rétt á 7 fulltrúum - 2 mættu

UÍF – áttu rétt á 4 fulltrúum – 1 mætti

37 þingfulltrúar mættu

- Kjörbréfanefnd lagði til að ofangreind kjörbréf yrðu samþykkt og voru þau samþykkt samhljóða.

Reikningar bornir undir atkvæði og samþykktir samhljóða.

Hádegishlé

- Þingstörf hófust að nýju eftir hádegishlé kl. 13:15

7. Lögð fram fjárhagsáætlun (þingskjal 3.0.)

- JA, gjaldkeri ÍF gerði grein fyrir fjárhagsáætlunum 2015 og 2016.
- Orðið var gefið laust um fjárhagsáætlun.

ÞÓ, lagði til breytingar á fjárhagsáætlun, um að liðurinn þáttökugjöld yrði lagður niður og skrifstofukostnaður yrði lækkaður á móti.

ÓM sagði liðinn þáttökugjöld vera bæði skráningargjöld og ferðakostnað vegna þáttöku á mórum erlendis. Hægt væri að sjá á heimasíðu ÍF í afreksstefnu sambandsins lið um hlutdeild í kostnaði þátttakenda á mórum erlendis. Þáttöku gjöld á mórum ÍF væru um 700.000 kr. á ári. Ef liðurinn yrði lagður niður væri um að ræða mikla kostnaðaraukningu fyrir sambandið og því miður væri ekki hægt að bjóða keppendum í allar keppnisferðir eins og hafði tilkast áður.

SÁL, frekar erfitt gæti reynst að taka liðinn „stjórn- og skrifstofuhald“ út úr fjárhagsáætlun. Tæki þurfi að endurnýja á skrifstofu sem mörg hver væru t.d. orðin gömul. Þá væri það ekki kostur að lækka laun starfsfólks né segja því upp.

ÞÁH (Þórður Árni Hjaltested) bætti við að samkvæmt reglugerð um Íslandsmót ÍF, liður 1,6 væri stjórn ÍF heimilt að innheimta þáttökugjald, þ.e. stjórn ÍF ákveði hvort gjöld séu innheimt eða ekki. Ef fella eigi þennan lið út þurfi að breyta reglugerð um Íslandsmót, liður 1,6.

ÞÓ – taldi auðveldast að eiga við umræddan lið en þá væri mögulega hægt að taka frá öðrum lið fjárhagsáætlunar. Tók hann undir vegna kostnaðar á mórum erlendis en sagði að ef þáttökugjöld ÍF væru ekki nema 700.000 ætti stjórn að taka til skoðunar að fella þau niður og vera ekki að refsa liðum með gjaldi sem mæta á móti, nær væri að refsa þeim sem mæti ekki.

ÓÓ (Ólafur Ólafsson) Var alfaríð á móti því að fella niður skráningargjaldið, sagðist hann sem fyrrum meðlimur í Boccianefnd ÍF hafa orðið var við að félög væru að skrá langtum fleiri keppendur á móti en þau svo raunverulega mættu með og því ákjósanlegt að halda sig við 1000,- kr. í skráningargjald á móti ÍF.

AKV Benti á að þáttökugjöldin renni ekki einvörðungu til ÍF heldur einnig til þeirra félaga sem vinna mótið með sambandinu.

HP Bar fram spurningu um breytingartillöguna, hvort hún ætti að hljóða á þann veg að þáttökukostnaður yrði lækkaður um 700.000,- kr. Lagði HP svo breytingartillöguna fyrir þingfund en eftirfarandi breytingar yrðu þá gerðar á fylgiskjali 3.0 (Fjárhagsáætlun 2015)

Rekstrartekjur:

Liðurinn þáttökugjöld myndi lækka úr 3.500.000,- í 2.800.000,- eða sem nemur 700.000 krónum og samtala rekstrartekna færí þá úr 99.300.000,- í 98.600.000. Liðurinn „Innlent mótaðal“ yrði einnig lækkaður úr 3.500.000,- í 2.800.000,- og samtala „Rekstargjálða“ lækkaði því í 98.600.000,-

***Tillagan lögð fram af HP þingforseta með umbeðnum breytingum frá ÞÓ á fylgiskjali 3.0.**
Tillagan er felld með þorra atkvæða en tveir samþykkir.

ÞÓ: Lagði einnig til breytingu á grein 1.6 í Reglugerð ÍF um Íslandsmót.

Í reglugerðinni segir – Reglugerð fyrir Íslandsmót ÍF

1.6. Stjórn ÍF er heimilt að innheimta þáttökugjöld í samstarfi við mótsaldara hverju sinni. Upphæðin nemur kr. 1.000.- fyrir hverja þá grein sem einstaklingur tekur þátt í. Skráningargjald er greitt fyrir alla sem skráðir eru við lok skráningarfrests óháð því hversu margir mæta til leiks er mótið fer fram. Ekki skulu innheimt stungugjöld í tengslum við sundmót.

ÞÓ: Leggur til að liður 1.6 verði felldur út úr Reglugerðinni í heild sinni.

HP ber upp breytingartillögu

Tillagana er felld með þorra atkvæði með 2 á móti.

Fjárhagsáætlun, fylgiskjal 3,0 samþykkt samhljóða

8. Lagðar fram laga- og reglugerðabreytingar sem fram hafa komið.

Fylgiskjal 4.0

ÞÁH kynnti tillöguna

Reglugerð í handbók

Í framhaldi af samþykkt 16. Sambandsþings ÍF var stjórn ÍF falið að skipa nefnd er fjalla skyldi um skiptingu lottótekna. Nefndin var skipuð Þórði Ólafssyni ÍFR, Karli Þorsteinssyni Ösp, Þór Jónssyni Firði, Kristínu Óskarsdóttur Ægi, Jóhanni Arnarsyni ÍF og Þórði Árna Hjaltested ÍF.

Reglugerð um skiptingu lottótekna

Skipting þeirra Lottótekna sem ÍF er úthlutað frá ÍSÍ skal fara fram samkvæmt reglugerð þessari.

50% renna til fræðslu- og útbreiðslumála ÍF

50% hlutur rennur til aðildarfélaga ÍF samkvæmt svohljóðandi skiptingu:

- **2/5 verður skipt jafnt meðal allra félaga.**
- **2/5 verður skipt meðal þeirra félaga sem sinna barna og ungingastarfi og eru upplýsingar úr Felix til staðfestingar á því starfi.**
- **1/5 verður notaður til að styrkja aðildarfélög sem eiga í fjárhagsvanda (t.d. styðja við þátttöku í þingi ÍF). Stjórn ÍF hefur það hlutverk að úthluta úr sjóð samkvæmt reglum sem stjórn ÍF setur.**
 - **Aðildarfélögum ÍF, sem sækja um styrk úr þessum hluta lottótekna, ber að sýna fram á fjárhagsvanda sinn. Senda þarf inn upplýsingar um fjárhagsstöðu viðkomandi félags til stjórnar ÍF og framkvæmdastjóra fjármálasviðs í hennar umboði. Í því felst að senda nýjustu upplýsingar um stöðu félags og samþykkt reikninga félagsins. Með þessari styrkveitingu er stutt við þátttöku aðildarfélagananna í Sambandsþingi ÍF.**

Við alla úthlutun er stuðst við upplýsingar úr Felix og einungis er heimilt að greiða til félaga sem eru í góðri stöðu og hafa skilað starfsskýrslum.

Aðilar voru sammála um að leggja til að fjármunir sem mögulega verða afgangsfjármunir, ef einhverjir eru, þess 1/5 hluta sem nota skal til styrktar aðildarfélögum í fjárhagsvanda verða renna í Verkefnasjóð ÍF að afloknu þingi hverju sinni.

HP, orðið er laust.

Guðrún Árnadóttir (GÁ) sagði skiptinguna í framkominni tillögu vera ágæta en að fyrir hennar félag, Snerpu, skiptu þessir peningar máli enda ekki mikið um barnastarf á Siglufirði og iökendur félagsins væru að eldast.

ÞÁH - Skýrði út að um væri að ræða aðeins Lottótekjur sem bærust til ÍF og verið væri að ræða um 2/5 hluta þeirra tekna.

Drífa Birgitta Önnudóttir (DBG), Nes - Spurði hvernig skiptingunni væri háttáð í dag?

ÓM setti upp skjal á skjávarpa og sýndi þar skiptingu Lottótekna og hvernig skiping hafi farið fram.

DBG spurði hvort jöfn skipting væri milli allra félaga?

ÓM svaraði því játandi.

HP – útskýrði nánar í krónutölum miðað við ársgrundvöll. Til að setja í eitthvað samhengi.

Fyrirspurn barst frá fulltrúa Íþróttafélagsins Akurs þar sem beðið var um að skýra nánar eftirfarandi: „*einungis er heimilt að greiða til félaga sem eru í góðri stöðu*“

ÞÁH svaraði að það þyddi að hafa skilað starfsskýrslu inn í Felix.

Porbjörg Vilhjálmsdóttir – spurði hvort nóg væri að vera með eitt barn eða er eitthvað viðmið um fjölda barna til að uppfylla skilyrðin?

ÞÁH - svaraði játandi að það væri nóg að vera með eitt barn. Kostnaður væri oft svipaður að vera með eitt barn eða fleiri, alltaf ákveðinn grunnkostnaður inni í myndinni.

Haukur Þorsteinsson (HP), spurði hvort eithvert félag innan raða ÍF væru illa stödd eins og rætt er um í tillöggunni?

ÞÁH Svaraði því játandi, því miður væru það nokkur félög, væru af þeim sökum m.a. ekki á þinginu og hafa ekki skilað inn starfsskýrslu. Orðalag tillögunnar væri tekið frá ÍSÍ og ekki væri verið að tala um fjárhagsstöðu félaganna. Oftast væri hægt að leita til héraðssambanda og fá aðstoð við að gera skýrsluna.

ÞÓ Upplýsti þingheim afhverju þessi nefnd var sett á laggirnar, því á síðasta þingi var tillaga um að fella niður lottógreiðslur til félaga. Þó hann hafi verið í nefndinni að þá væri hann ekki alveg sáttur við síðustu tillögu og leggur því fram breytingartillögu, sjá fylgiskjal 4,1

Fylgiskjal 4.1

HP útskýrir breytingu á tillögunni.

50% hlutur rennur til aðildarfélaga ÍF samkvæmt svohljóðandi skiptingu:

- *3/5 verður skipt jafnt meðal allra félaga.*
- *2/5 verður skipt meðal þeirra félaga sem sinna barna og ungingastarfi og eru upplýsingar úr Felix til staðfestingar á því starfi.*

Við alla úthlutun er stuðst við upplýsingar úr Felix og einungis er heimilt að greiða til félaga sem eru í góðri stöðu og hafa skilað starfsskýrslum.

SÁL, kvað tillögu þÓ ágætislausn, erfitt væri að útskýra með 1/5, hverjir eiga rétt á henni. Hins vegar væri gott að geta úthlutað úr einhverjum sjóði, en SÁL styður tillögu þÓ.

Breytingartillagan samþykkt samhljóða

Breytingartillagan með áorðnum breytingum samþykkt samhljóða.

Fylgiskjal 5.0

þÁH kynnti

Orðið Paralympics verði notað í stað Ólympíumóts fatlaðra

Tillaga er um að í stað notkunar hugtaksins Ólympíumót fatlaðra verði orðið Paralympics notað um þátttöku Íslands í Paralympic Games, summar- og vertrarleikunum sem International Paralympic Committee (IPC) – Alþjóðaólympíuhreyfing fatlaðra stendur fyrir fjórða hvert ár.

Eins og þýðing orðsins “Para” (styting úr parallel) gefur til kynna þá eru Paralympic Games (Ólympíumót fatlaðra) hliðstæð Ólympíuleikunum (Olympic Games) enda ávallt haldnir í kjölfar Ólympíuleikanna sjálfra, í sömu borg og í sömu íþróttamannvirkjum. Paralympics eru þannig hluti af 60 daga samfelldri íþróttahátið sem hefst með Ólympíuleikunum og lýkur með Paralympics (Ólympíumóti fatlaðra).

Rök:

Almenn skírskotun til orðsins Paralympic hefur aukist mikið og þá sér í lagi eftir þá miklu umfjöllun sem leikarnir í London árið 2012 fengu.

Almennt er orðið Special Olympics notað um mótt og viðburði tengdum þeim samtökum án þess að það hafi verð þýtt sérstaklega yfir á íslensku og því ekki úr vegi að taka upp Paralympics eins og önnur sambönd hafa gert viðsvegar um heim.

HP Orðið er laust um tillögu

SÁL spurði hvort þetta væri eitthvað sem þingheimi hugnaðist, einnig gert til að aðgreina frá Special Olympics og Ólympileikum.

Þróstur Erlingsson (ÞE) Sagði að orðið Ólympíuleikar aðlagast betur en Paralympics.

HÍP, sagði breytinguna rugla okkur bara enn meira í ríminu.

Umræðum lokið

Samþykkt samhljóða.

**9. Tekin til umræðu, önnur mál og aðrar tillögur sem borist hafa
borist til stjórnar ÍF.**

Engar tillögur

10. Önnur mál.

SÁL: þakkaði Jósep Sigurjónssyni fyrir formennsku sína í Akri. Vottaði honum þakklæti fyrir það starf sem hann hefur unnið fyrir Akur og hreyfinguna. Eins þakkaði SÁL fyrir hönd stjórnar ÍF henni Guðrúnú Árnadóttur fyrir sín störf á formannsstóli hjá Snerpu á Siglufirði en hún hyggur á að láta af embætti formanns bráðlega. Þakkaði SÁL báðum fyrir sín störf og færði þeim blómvönd sem þakklætisvott.

HP - dagskrálið lokið

11. Nefndir starfa

HP - dagskrálið lokið

12. Nefndaálit, tillögur og atkvæðagreiðsla.

Engar tillögur

14. Kosning stjórnar, varastjórnar, skoðunarmanna reikninga, fulltrúa á íþróttáþing ÍSÍ.

Fylgiskjal 6.0

Frá kjörnefnd ÍF 2015

Fyrir liggur að Ólafur Þ. Jónsson og Margét Kristjánsdóttir í aðalstjórn ÍF gefa ekki kost á sér til áframhaldandi stjórnarsetu, kjörnefnd leggur því til að í stað þeirra komi Matthildur Kristjánsdóttir og Guðlaugur Ágústsson, sem nú sitja í varastjórn. Komið hafa fram uppástungur um Eva Þórdísi Ebenesersdóttur og Halldór Guðbergsson til varastjórnar, þau gefa kost á sér og njóta stuðnings kjörnefndar.

Tillaga kjörnefndar er því:

Formaður: Sveinn Áki Lúðvíksson

varaformaður: Þórður Árni Hjaltested

aðrir í aðalstjórn: Guðlaugur Ágústsson, Jóhann Arnarson, Matthildur Kristjánsdóttir.

varastjórn: Eva Þórdís Ebenesersdóttir, Halldór Guðbergsson, Jón Heiðar Jónsson.

- Sveinn Áki Lúðvíksson réttkjörinn formaður
- Þórður Árni Hjaltested réttkjörinn varaformaður

Aðalstjórn, engar aðrar tillögur,

Réttkjörnir í aðalstjórn:

- Guðlaugur Ágústsson
- Jóhann Arnarson
- Matthildur Kristjánsdóttir,

Varastjórn, engar aðrar tillögur,

Réttkjörnir í varastjórn:

- Eva Þórdís Ebenesersdóttir
- Halldór Sævar Guðbergsson
- Jón Heiðar Jónsson

Skoðunarmenn reikninga:

- Guðlaugur Guðmundsson
- Hilmar Alferðsson

- ÍSÍ Þing samþykkt að vísa til stjórnar ÍF, samþykkt.
- Ólympíuráð – skv reglugerð þá skal kjósa einn fulltrúa á þingi ÍF og tveir skipaðir af stjórn ÍF. Tillaga um Kára Jónsson og engar aðrar og hann skoðast réttkjörinn í Ólympíuráð ÍF.

ÞÁH tók til mál sem formaður Heiðursmerkjanefndar að þá er skráð í gögnum ÍF að Guðrún Árnadóttir hefði fengið Gullmerki ÍF 1992 og hér hafa því orðið einhver mistök. Heiðursmerkjanefnd vinnur hratt og það var samþykkt að afhenda Guðrún gullmerki ÍF hér á þinginu.

SÁL afhenti Guðrúnu Árnadóttur, Snerpu gullmerki ÍF.


15. Þingfundargerðir lesnar og staðfestar

- Riturum var falið að ganga frá þingfundargerðum í samstarfi við stjórn og skrifstofu Íþróttasambands fatlaðra

16. Þingslit.

SÁL formaður, þakkaði fyrir endurkjörið og það traust að vera samþykktur sem formaður. SÁL þakkaði fráfarandi stjórn ÍF fyrir störf sín og sagðist líta björtum augum fram á veginn. Þá þakkaði hann Ólafi Þór Jónssyni sérstaklega fyrir hans störf í þágu ÍF.
SÁL þakkaði einnig Hafsteini Pálssyni fyrir sín stjórnunarstörf og þingriturum.


- Hafsteinn Pálsson, þakkaði þingfulltrúum fyrir ánægjulegt og farsælt þing og sleit því næst þinginu.



Hafsteinn Pálsson
Þingforseti



Jón Björn Ólafsson
Þingritari



Kristín Guðmundsdóttir
Þingritari